



Ukuhlomisa izingane zethu  
ngelikusasa

Isiqinisiso 1

**Isihloko sesifundo: Ukwesaba uNkulunkulu - IMiyalo yoku-1 nowe-2**

# Umhlahlandlela womzali

Isikole sangeSonto    Isikole sasekhaya



# Mzali Othandekayo

Uyamukelwa kusifundo: **Ukwesaba uNkulunkulu - IMiyalo yoku-1 nowe-2**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	<p>Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: <a href="https://bit.ly/3NACSSHS">https://bit.ly/3NACSSHS</a></p>
2.	<p>Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo:</p> <ul style="list-style-type: none"> <li>• IBhayibheli</li> <li>• Isifundo ngefomethi ye-PDF esivele silungisiwe</li> <li>• Incwadi yengane yokusebenzela kanye namapensele, amakhilayoni, njll.</li> <li>• I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho</li> <li>• Ikhathekizimu yemibuzo nezimpendulo (Ikakhulukazi kulesisifundo sesiQinisiso).</li> </ul> <p><b>Qaphela:</b></p> <p>2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile.</p> <p>2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho!</p> <p><i>Isikole sangeSonto ngokuvamile asidluli imizuzu engama-45.</i></p> <p>2.3: Lesisifundo silungele ibanga lesiQinisiso 1.</p> <p>2.4: Uyacelwa uthinte uThisha wakho wesiQinisiso uma udinga noma yiluphi usizo noma uma udinga ezinye izinsizakufunda kulezi ezingenhla.</p>
3.	<p>Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.</p>



# Fundisa lesisifundo sesikole sangeSonto ekhaya

## Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo.  <b>Isibonelo:</b> Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela (I Also Want To....)
11	Khuleka, noma ucele ingane yakho ukuba ikhuleke bese uphetha isifundo.

## Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo sesiQinisiso -1 nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



## Isifundo

### Isihloko

Ukwesaba uNkulunkulu - IMiyalo yoku-1 nowe-2

### Inhloso yesifundo

Angifuni ukudabukisa uNkulunkulu ngoba Yena ngiyamthanda.

## Isifundo esifingqiwe:

### Isingeniso

Kulesi sifundo, sizochaza ukuba kusho ukuthini ukuthi "Ukwesaba uNkulunkulu".

Sizogxila futhi sixoxe ngeMiyalo yoku-1 nowe -2 ngokuqonda ngokweTestamente eliDala ngesikhathi sikaMose nangokwe-Testamente eliSha ngesikhathi sikaJesu.

- 1.NginguJehova uNkulunkulu wakho. Ungabi nabanye onkulunkulu ngaphandle kwaMi.**
- 2.Ungaliphathi ngeze igama likaJehova uNkulunkulu wakho, ngokuba uJehova akayikumyeka oliphatha ngeze igama laKhe.**

### Isendlalelo

- EMiyalweni eyiShumi, uNkulunkulu ukhuluma nabo bonke abantu.
  - UNkulunkulu wanikeza abantu bakwa Israyeli iMiyalo eyiShumi ngoMose.
  - Inhloso yeMiyalo eyiShumi kwakungukufundisa nokuqondisa abantu ukuthi baziphathe kanjani phambi kukaNkulunkulu nokuthi baziphathe kanjani omunye komunye.
  - Abantu babephoqelekile ukufeza leMiyalo – leMiyalo yakha ingxenye yesivumelwano sikaNkulunkulu no-Israyeli.
  - Esivumelwaneni esisha, uJesu wayiqinisisa iMiyalo.
- UJesu wanikeza iMiyalo incazelo ejulile futhi wasikhombisa ukuthi siyini isibopho sethu phambi kukaNkulunkulu, kithina nakomakhelwane bethu mayelana naleMiyalo.

### **Ukwesaba uNkulunkulu (okumaqondana neMiyalo)**

- Esivumelwaneni esidala, uNkulunkulu wanikeza abantu iMiyalo njengemithetho yokulawula ubudlelwano babo noNkulunkulu kanye naphakathi kwabo.
- UNkulunkulu wachaza nokuthi ingabayini imiphumela nesijeziso uma lemithetho ingafezwa.
  - Ngalokho-ke abantu abaningi balalela kuphela ngoba besaba ukujeziswa.
- Esivumelwaneni esisha, ukwesaba uJehova kunencazelo ejulile, njengoba kuchaziwe ku -1 Johane 4:18: **“Akukho ukwesaba othandweni; kepha uthando olupheleleyo luyaxosha ukwesaba, ngokuba ukwesaba kunesijeziso, nowesabayo akaphelele othandweni.”**
- Sიცina iMiyalo kaNkulunkulu ngoba siyamthanda futhi siyamhlonipha Yena.
- Uthando kwethu kuNkulunkulu aluyona indlela yokuzwakalisa ukwesaba kodwa ukuthobeka nokuthembela kuYe.



### **UMyalo wokuqala:**

#### ***NginguJehova uNkulunkulu wakho. Ungabi nabanye onkulunkulu ngaphandle kwaMi.***

- Wawusho ukuthini loMyalo ku-**Testamente eliDala** ngokubhekisele kwabanye onkulunkulu na?

- o Amazwe ayezungeze u-Israyeli wayekhonzisa onkulunkulu abaningana (izithixo).

- o KuMyalo wokuqala, uNkulunkulu ukwenza kucace bha ukuthi nguYe yedwa uNkulunkulu, uMenzi wezinto zonke futhi unguNkulunkulu kuphela okufanele adunyiswe futhi akhonzwe.

- Ku-**Testamente eliSha**, uJesu unikeza uMyalo wokuqala incazelo ejulile.

- o Yena usifundisa ukuthi lomyalo awusebenzi kuphela kuNkulunkulu, uYise, kepha usebenza nakuJesu Kristu noMoya oNgcwele.

- o UNkulunkulu waziveza ngoJesu Kristu, ngamanye amazwi, wabonakala emhlabeni: kuJesu Kristu

- o Ukukhonzisa noma yini noma omunye umuntu ngaphandle kukaNkulunkulu kuwukwephula uMyalo wokuqala = kuyisono.

### **UMyalo wesibili:**

#### ***Ungaliphathi ngeze igama likaJehova uNkulunkulu wakho, ngokuba uJehova akayikumyeka oliphatha ngeze igama laKhe.***

- Ku-Testamente eliDala, uNkulunkulu waziveza kuMose esihlahleni esivutha umlilo ngokuthi “uYahwe” okusho ukuthi “NginguYe onginguYe”.

- o AmaJuda ayemhlonipha uNkulunkulu futhi engafuni ngisho nokukhuluma igama elithi “Yahwe”.

- o Benze lokhu ngomzamo wokugwema ingozi yokuphatha igama likaNkulunkulu ngeze, kungahlosekile.

- Ku-Testamente eliSha, abantu kufanele bakhulume ngoNkulunkulu ngothando nangenhlonipho

- UMyalo wesibili usixwayisa ngokuthi umuntu kufanele agcine zonke izinto eziphathelele noNkulunkulu negama laKhe kungcwele.

- NjengamaKristu sinesibopho sokuba sigcine igama likaNkulunkulu lingcwele.

- Ingabe siliphatha kanjani igama likaNkulunkulu ngeze na?

- o Ukuhlukumeza igama likaNkulunkulu (okwaziwa nangokuthi ukuhlambalaza)

- o Ukuqalekisa (ukuphoqa ngenhlamba noma ukufunga) lapho usebenzisa igama likaNkulunkulu

- o Ukusebenzisa igama likaNkulunkulu ngenkathi uqamba amanga

- o Ukusebenzisa ngokunganakekeli amagama kaNkulunkulu, uJesu Kristu, uMoya oNgcwele

- Yilona kuphela uMyalo oqukethe usongo noma isijeziso

- IBhayibheli alisitsheli ukuthi isijeziso siyini.

Sigcina loMyalo ngoba sithanda uNkulunkulu, hhayi ngoba sesaba isijeziso.



## Ingabe sisho ukuthini lesisifundo kithina namhlanje na?

1. Sigcina loMyalo ngoba siyamthanda uNkulunkulu.
2. Siyamesaba ngoba siyamthanda, hhayi ngoba sesaba isijeziso. Lokhu kwesaba akubangelwa ukwesaba uNkulunkulu.
3. Ukuthobeka nokwesaba okusekelwe ekuhlonipheni uNkulunkulu, ukumlalela nokumkhuleka kuwuphawu lothando lwethu kuYe.
4. Asisebenzisi igama likaNkulunkulu ngaphandle kokuthi sikhulume naYe ngokweqiniso nangenhlonipho.

## Eminye imibuzo esingayibuza:

1. Ingabe mangakhi amanye amagama kaNkulunkulu owaziyo na?

**Impendulo:** Baba, Jehova, uMenzi, ongunaPhakade, uSomandla,

2. Ingabe yini esizoyenza uma sesaba uJehova na?

**Impendulo:** Sizokwehlisa njalo njalo izinga lokona, - sihlale sithembekile kuNkulunkulu. - senza intando yaKhe. - Silandela iNdodana kaNkulunkulu kulabo Yena abathumileyo. - Siletha udumo egameni likaNkulunkulu futhi singaphathi igama laKhe ngeze ngokulisebenzisa kabi.

3. Ingabe ungawusho yini ngenhliziyo uMyalo wokuqala na?

**Impendulo:** NginguJehova uNkulunkulu wakho. Ungabi nabanye onkulunkulu ngaphandle kwaMi.

4. Ingabe kusho ukuthini ukukhonza noma ngabeyini, noma omunye umuntu ngaphandle kukaNkulunkulu na?

**Impendulo:** Kuphenduka onkulunkulu uma - kuba yinto ebaluleke kakhulu ezimpilweni zethu futhi kugcwalisa izinhliziyi zethu ngokuphelele. - sibeka ithemba lethu kuko. - siyabakhonza futhi sibahlabele. Lokhu kungaba yizinto eziphilayo, izinto-nje, izinto zemvelo, izidalwa zangempela noma eziqanjiwe. Isib., Izifanekiso, imali, izilwane, izithixo, amatshe, izintaba, izinkanyezi, izihlahla, abantu abadumile, abakhuluma ngezinhlanhla, umlingo, ubuSathane, ubuthakathi nokunye.

5. Ingabe ungawusho yini ngenhliziyo uMyalo wesi-2 na?

**Impendulo:** Ungaliphathi ngeze igama likaJehova uNkulunkulu wakho, ngoba uJehova akayikumyeka oliphatha ngeze igama laKhe.

6. Ingabe kusho ukuthini ukuphatha igama likaJehova ngeze na?

**Impendulo:** Ngokuyisisekelo kusho ukusebenzisa kabi igama likaJehova. Lokhu singakwenza ngokuphawula igama likaJehova ngaphandle kokunaka.



Sikusho ngendlela yethu yokukhuluma yansuku zonke (Oh Nkulunkulu, Jehova olungile), inkulumo engasho lutho (Oh my God!), Lapho simangazwa okuthile, sishaqeke ngokuthile, sijabuliswe ngokuthile (i-OMG!), Lapho sifunga noma uthukuthele ngokuthile (Nkulunkulu! Jesu Kristu!)

**UMkhuleko kaBaba noMama ngaphambi kwesifundo:**

*Nkulunkulu othandekayo, ngiyakubonga ngalolusuku*

*Busisa bonke abazali nezingane*

*Sengathi singabuzwa ubukhona baKho*

*Busisa isifundo esizoba naso*

*Sicela usifundise ukukukhonza*

*Futhi usisize ukwenza intando yaKho*

*Ukuze sikhule sisondele kuWe*

*Thumela uJesu azosilanda*

*Futhi kwangathi singalungela ukuhlangana naYe*

*Amen*



Notes

Notes